
Қароқчитолликлар оммавий ҳашарда қатнашди

Бағдод туманининг "Қароқчитол" маҳалла фуқаролар йиғинида уйғониш ва янгилаш фасли олтидан оммавий ҳашар ўтказилди. "Маҳалла" хайрия жамоат фонди туман бўлинмаси ташаббуси билан ташкилланган ҳашарда 300 дан зиёд фуқаро қатнашиб, фидойилик кўрсатди.

- Ҳашар давомида умумий ҳисобда 1,5 минг туп мевали ва манзарали дарахтлар экилиб, "Яшил макон" умуммиллий лойиҳасини амалга оширишда муносиб ҳисса қўшилди, - дейди МФЙ раиси Иззатулло Тошпўлатов. - Бундан ташқари, маҳалла ҳудудидан ўтувчи 3 км. узунликдаги ариқ ва зовурлар тозаланди. Бунинг учун 2 та махсус техника жалб этилди. Кам таъминланган, боқувчисини йўқотган оилаларга ва ногиронлиги бўлган фуқароларга мурувват ёрдамлари кўрсатилди.

Оммавий ҳашар якунида маҳалла гузарида тушлик ташкилланиб, жонлиқ сўйилди ва марҳумлар ҳаққига дуои фотиҳа қилинди.

Жамоат тўпланганидан фойдаланиб, бугунгидек ободонлаштириш ишларини аҳоли хонадонларида ҳам кенг кўламда давом эттириш, тўй ва дафн маросимларини ихчамлаштириш, жиноятчилик, эрта никоҳ ва ажримларнинг олдини олиш бўйича фуқаролар ўртасида тушунтириш ишлари ҳам олиб борилди.

Бағдод тумани ҳокимлиги Ахборот хизмати.

2023-03-03 17:37:25